



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dat Söunteinde Capitel Johannis/ van dem Gebede Christi

Luther, Martin

Magdeborg, 1531

VD16 L 6695

De du my gegeuen heffst/ hebbe ick bewaret/ vnd ys neen van en
vorlaren/ ane dat vorlaren kindt/ dat de schrifft vorfüllet wörde.

urn:nbn:de:hbz:466:1-34333

enicheit wat vormöge / Querst darmede gheit de
Diuvel vinne/dat he vns dessen bandt vplöse/vn-
de dorch syne schalckheit vnde rücke vram worde
rite/Wo dat geschüth/ so hefft he rede gewonnen/
Wente buten dem worde is nene enicheit mer/son-
der ydel spalding / vntellike secten vnde rotten/de
he dorch syne nette vnde stricke / dat ys/ minschen
lere/vnder einander werpet / dat ein ytlick sonder
like hillicheit socht/ynn egenen wercken 2c.

**Dewile ick by en was / erheldt ick
se ynr dynem namen.**

Dat ys/dewile se my gehört vnde geseen/vn-
de lifflick mit my vmmeghan hebben/ hebbe ick se
dorch dyn word erholden / mit leren vormanen/
anhouden/trösten / warnen/vnd allerley wise/dat
se nicht van dem reinen wordt vnd erkentnisse
vorföret worden/ Nu suerst ick nicht mer ynn der
werlt bin/dat ys/dat se my vordan hen nicht mer
ynn soldem liffliken wesend vnde wandel/ by sich
hebben noch seen vnde hören können / so holdt du
se / dat se darby bliuen / als se angefangen heb-
ben / Wente se hebben dyn word / vnde sint dyn
egen/als auermal volget.

**De du my gegenen heffst / hebbe
ick bewaret / vnd ys neen van en
vorlaren/ ane dat vorlaren kindt/
dat de schrift vrsfüllet worde.**

Ick hebbe

Ick hebbe se vortwaret / dat se vntorrücket
vnd vnbedragen sint bleuen / van valscher lere vnd
de hillicheit / vnde so vast gehalten / dat nicht ein
van en vorlaren wörde / ane dat vorlaren Findt
Judas / Worumme dat? Wente he hengede noch
nūwerl an my / also dat he my edder myn word
mit ernste gement hedde / sonder makede sich dara
umme tho my / dat he by my vnd vnder mynem
namen mochte rike werden / vñ doch mit so drepe
likem schine / dat des der Jüngern nēn gewar
ward / Querst solck ein Dāuels Findt moſte de He
re Christus hebben manck synem hūpken / vnde by
sich liden / dat de schrifft (ſecht he) vorſället wōr
de / de thouorne geſecht hefft / dat Christus vnde
de synen alletid mothen ſolcke Judas Apōstel in
erem hūpken hebben / als he anders wor ſūlueſt
anthūt / vth dem Psalm. xij. De myn brodt itt /
tridt my vnder de vōste 2c. Also dat he eine figurā
dregt / aller / de an dem Euangelio dat ere ſōken /
als izunt leider ock vele ſyner Kinder / de ſick des
Euangelij rōmen / vnde doch nichtes darmede ſō
ken / als eren thom / vnde gemack edder vōrwiz /
menen ydt ſy ein handel edder werff / dat me kōnne
eere vnde gudt mede erlangen / alſe Paulus ſecht.
j. Timoth. vj. Alſe ſūs lange her de Paweſt vnder
Christus namen / aller werlt herſchop / eere vnde
gūder tho ſick gebracht vnde noch hefft.

So giſt he nu den orloff / vñ ſpricht / Se ſint my
ne Jüngern nicht / darūme kan ick ſe ock nicht erhō
den / moth ydt laten geſcheen / dat ſe mynen namen
G iij vōrew /

vören / vnde sich darunder verköpen / so se doch
nicht begeren Christen tho syn / sonder vppet leste
myne ergesten viende werden / vnde den grötesten
schaden don / ynn der Christenheit / De öuerst / de
gerne darby bliuen wolden / vnde daran setten /
vnde darauer vorlaten wat se schollen / de hebben
den trost / dat se Christus nicht vorlaten wil / vnde
dorch dit bedt erholden schollen werden / als he
syne leue Jüngern erholden hefft / De andern döer
ffen hit nictes söken noch sich solckes trostes an
nemen / Wente dar wert nicht vth / dat yemand sy
nen datum vp der werlt gunst / gudt vnde gemack
sette / vnde Christus word mit ernst anneme / wens
te ydt ys beslaten / Nemand kan twen heren denen
Godt vnde Mammon bliuen nicht by einander.

Nu öuerst kame ick tho dy / vnde
rede solckes ynn der werlt / vp dat
se ynn sich hebben myne frowde
vullenkamen.

Sü / wo sint doch dat alle so schlechte einfol
dige wordt / vnde vorkeit se doch nemand / ane dat
men auerhen snurret / alse sy nicht lichters tho
vorstan / vnde nemand achtet se recht antoseen.
Wat vth der werlt ghan / vnde thom Vader kan
men here / hebbe wy gehört. Ze wedderhalet ydt
öuerst hit darumme / dat he syne leuen Jüngern /
deste stercker tröste / dat se weten / worhen vnde
worup ere